

Jon anaya ta Josu Aura



ENDIK be esana dot; Jon anaya agurgariak aspaldiz gomuta aitzu-eziña ekañen gogotan. Amabost urtekoa zala, mendian agertu yakon Ume zoragafiaren gomuta. Biotza Beraganako maitasunez bolbol; itz oneik «Egun ontan jai andia egingo daustazu» etxakozan egundo gotik aldendu. Erdainkuntza-eguna zan jai andiagaz goretsi bear ebana. Ta, maitetasun-suak eraginda, Josu'ren agindua betetako bide egoki biña ebilan, gau ta egun.

Jaunak laster aukeratu eutson abagune oba-eziña. Lekaretxian (korbentuan) Josu Umearen iru iduri egozan. Bat burdin orizkoa, Aztegi'ko otoitokian, ondo apaindua ta obeto jauretsia, lekaidegeyak onetarako asmariak izan oi dira-ta. Bigarrena, abestegian (koruan); irudi onen ardura eleiz-zañak izaten eban; jai andienetan, txukun baxen ederto apaindurik, opalmai nagusian ipinten eben. Irugarena, atzenez, beste otoitoki bateko opalmai edo aldaran aurkitzen zan; onek ezeban nok zaindu; noz-edo-bein izan ezik, etzan iñor beragaz gogoratzen; galduaren antza emoten eban.

Jon anayak, bariz, irugarena eban gogo beroz maite; bera egoan otoitoki edo eleizatzora sartzen zan bakotxean bizirozauzka ebilkion biotza. Betarte argi, gozo ta samuréz begiratzen eban, eta Josu'ren iruditxo au galdua letxe egoala ta gaztetan agiri izan yakonean ezari eutson izena «Guraso bako» egoki etorkiola, uste eban. Izen bigun-eztia. Jon'i biotza eruki ibai biurtzen eutsona. Beti eritxon «Guraso bako»; mendi-egietan ziar artzain ebilala agertu ta begirada zerutafez baruan maite-eztizko txufusta sortu-erazo eutsonean lez.

Apain jantzi, ereguz bete, bere omenez jai andia ospatu ta iñok ardurarik ezeban Aurtxoaren irudia albait ondoen zaintze-ko egiñalak egiteko erabagia artu eban. Joan yakon apal-apalik Lekaipuruari baimen-eske; ta arena bai poza, bayezkoa emon eutsonean! Iñundiko erak asmau ebazan Umetxoa adiguriz bete-

tako. Ta len aiztu-antzera baztertuta aurkitzen zan irudia egun gitxiren bañuan bestiak aña nabari egiña izan zan. Jon'en alaitasuna ta Jisurekiko erasprena! Zoroak erabilala, esan zeikean.

Ordurarte baztertu-antzera egoan irudi onexek artu ebazan Jon'i 1605'garen urtean, artzaña zala, iragafia izan yakon jayan egiñiko opari ta jaureskuntzak. Maratz baizen leyatsu ebilan Jon lenengoz ospatu bear eban jairako zerak gertetan; eta 1631'ko Urte Bafí-eguna aufeko urtietan baño andikiroago jaitu zan. «Guraso bako» aurtxoari jai ospetsua egin eutsen. Añezkero be orobat egin zan; eta Josu'ren itz oneik «Egun ontan jai andia egingo daustazu» Jon Anai agurgariak osorik bete ebazan.

Baña oindiño etzeguan pozik, etziran bere gurariak zeatz bete. Jai ori gustiz ospatsu egin nai eban. Ofetarako, asmo andi bategaz, bere efira, Añorbe'ra, doya. Ango abade ta nagusiekaz itz dagi, eroyan burubidea azalduz. Dirurik asko ez eukiela -ta, eragozpen batzuk sortu ahen, laster bat etorri ziran. Zelan ez? Beañezkoek ziran baimen eta agiri gustiak gertu ebezala, 1633'garen urteko Urte Bafíz nagusikiro ospatu eben añorbetar zintzo ta jaungoikozaleak Jon anai karmeldarrek eraturiko jaya. Andik aufera be, efitxo arretan, Josu Aurtzoa en opazko jai begiko auxe izan da ospetsu ta ederena. Añorbetarek, urtean -urtean, zenbaterañoko biotz beroz jaituten izan daben eta oraindik jaituten daben adieraztea etxat eñez.

Igaz, ostera, irugaren eun-urteurrena zala-ta, inondiko jayak egin ebezan. Irureun urte igaro ahen, bizi irauten daben jayeguna etzan izan edozelangoa. Bai, argi dago; Jon anayak jai andia egin eutson bere aurtxo «Guraso bakoari», ta beti-beti iraun egian eñitaren biotzetan ondo bañendua itxi eban Josu Umeaganako eraspen eta maitasuna.

Josu'k, bafiz, maitaleak bere omenez egin ebana ez eutson ordain barik itxiko. Gizakumeok iduri, eskar txareko ezpaita. Eñez ordaintzen dakiana baño.

S.

EROSI:

«Kisto'ren Antz-bidea» idazti oso ederra (2'50).

«Grimm Anayen ipuñak» ipuin polit politak (3'00).

«Karmen'go Argia»n saltzen dira.